

粵功

師古曰追諭其功

曰閩君搖功多其民便附廼立搖為東

海王都東甌世號曰東甌王后數世

師古曰后與後同古通用字

孝

景三年吳王濞反欲從閩粵

師古曰招粵令從也

閩粵未肯行獨

東甌從及吳破東甌受漢購殺吳王丹徒以故得不誅

吳王子駒亡走閩粵怨東甌殺其父常勸閩粵擊東甌

建元三年閩粵發兵圍東甌東甌使人告急天子天子

問太尉田蚡蚡對曰粵人相攻擊固其常不足以煩中

國往救也中大夫嚴助詰蚡言當救天子遣助發會稽

郡兵浮海救之語具在助傳漢兵未至閩粵引兵去東

粵請舉國徙中國廼悉與眾處江淮之間六年閩粵擊